

միւսանգամ մուծանել անդ զօրս , զի պատճառ եղեն աւերման տեղոյն եւ ցրուելոյ ժողովրդոց , (1826 . 'ի 21 Յուլիսի) :

Տեսեալ երկոց Եպիսկոպոսաց թէ անտատախտանի մնացին նամականիք իւրեանց յԱզգապետաց և 'ի Պատրիարքաց , և ինքեանք տաղնաօլէին 'ի տանջանս և 'ի նեղութիւնս յերեսաց պարտատեարց և պահանջողաց , առաքեցին 'ի Կոստանդինուպօլիս զԽորհրդական գրագիր Յակոբ վարդապետ՝ ծանուցանել զայսոսիկ , և միաբանք երկպառակեալ ոչ մերձենային առ նոսա , թէպէտեւ հրաւիրէին զնոսա 'ի խորհուրդ :

Իսկ վանք Ս . Յակոբայ տատանէր 'ի միջի խռովութեանց իբրեւ նաւ վարեալ 'ի մրրկէ , և այն յաւէտ յանմիաբանութենէ և յերկպառակութենէ գլխաւորաց , գլուխ չարեաց և վրդովիչ ամենեցուն ցուցանեն դոլ Նղիա եպիսկոպոս՝ որ փոխանորդն էր : Այլ իբրեւ հասին գրեանք այլազգեաց և միաբանաց 'ի Կոստանդինուպօլիս , որպէս գրեցաք , և ընթերցեալ ծանեան զմիտս նոցա , կոչեաց առ ինքն Գաբրիէլ Պատրիարք զոմանս յայլազգեաց Երուսաղէմի որք էին անդ , եւ պատուիրեաց նոցա գրել յԵրուսաղէմ՝ առ մեծամեծս՝ թէ ինքն հաստատեալ է 'ի Պատրիարքութեան Երուսաղէմի և զՆղիա հանեալ 'ի պաշտօնէ փոխանորդութեան , և 'ի մօտոյ ունի կարգել զայլ ոք 'ի տեղի նորա : Երեքին Խորհրդականքն առաքեցին 'ի Կոստանդինուպօլիս 18,000 դահեկան պարտս փոխանակագրով հատուցանել անդ , իսկ Գաբրիէլ Պատրիարք դարձոյց զնա յետս , և գրեաց առ Խորհրդականս , թէ ներքին եւ արտաքին գործք Աթոռոյն և Փոխանորդութիւն Կոստանդինուպօլսոյ ինձ յանձն է , եւ պատուիրէ նոցա զի եթէ յաւելցին առաքել զփոխանակագիրս՝ դարձուցանէ յետս , որպէս եւ արարն : Իբրեւ հասին գրեանքն յԵրուսաղէմ , ժողովեցան պարտատեարք 'ի վերայ Խորհրդականաց և նախատակո՞ծ բանիւք այսպնէին և հայհոյէին ըզնոսա , որպէս է տեսանել 'ի բազմաթիւ նամականիս նոցին , զոր գրեցին 'ի Կոստանդինուպօլիս , և պահանջէին զկրկնապատիկս դրամոց սակս յետս դարձուցանելոյ ըզմուրհակսն . և ոմանք 'ի պարտատեարց տարեալ մատու-